

四庫全書

史部

欽定四庫全書

臺海使槎錄卷六

常鎮揚通道黃叔璥撰

北路諸羅番七

阿里山五社

踏枋
盧麻產

鹿堵
干仔

兜羅婆

奇冷岸

大龜佛 水沙連思麻丹

木武郡赤嘴

一名
刺嘴

種

麻咄目靠 挽麟倒咯

狎裏蟬巒巒

干那霧

居處

築室曰濃密架木為樑鑿鬆石片為牆

鬆石內山所出鑿之成片

上以石片代瓦亦用以鋪地遠望如生成石室比屋相連如同內地街衢與外社迥殊男女未婚嫁另起小屋曰籠仔曰公廨女住籠仔男住公廨

飲食

內山多麥豆少米穀芋薯則掘地為穴積薪然火置芋灰中仍覆以土饑則出而食之黍米為酒曰老勿

釀製會飲與別社同魚為醢俟有臭味乃食凡物生
食居多惟鹽取給於外

衣飾

衣用鹿皮樹皮橫聯於身無袖間有著布衫者捕鹿
時以鹿皮搭身皮帽皮鞋馳逐荆棘中番婦衣自織
達戈紋又名府律式掛青紅南把珠於項亦漢人所
製收粟時則通社歡飲歌唱曰做田攜手環跳進退
低昂唯意所適

婚嫁

婚姻曰閔言未娶曰胡仔轄亦曰麻達未嫁曰麻里氏水不待父母媒妁以嘴琴挑之相從遂擁衆挾女以去勢同攘敎後乃以刀斧釜鎗之屬為聘女家以雞豕達戈紋酬之通社羣聚歡飲與外社男贅女家不同夫婦離異女將原聘歸還聽其他適 水沙連北港女將嫁時兩頤用針刺如網巾紋名刺嘴箍不刺則男不娶

喪葬

凡遇父母兄弟夫婦之喪頭裹皂布號哭十日不言
不笑不履門外葬用石板四片築四方穴屈曲屍膝
坐埋於中上蓋以石板覆以土

器用

耕種用小鋤短刀掘地而種行則貨物貯皮囊戴於
頭上炊用木扣以代鐺

附載

水沙連雖在山中實輸貢賦其地四面高山中為大湖
湖中復起一山番人聚居山上非舟莫即番社形勝無
出其右自柴里社轉小徑過斗六門崎嶇而入阻大溪
三重水深險無橋梁老藤橫跨溪上往來從藤上行外
人至輒股慄不敢前番人慣行不怖也其番善織罽毯
染五色狗毛雜樹皮為之陸離如錯錦質亦細密四方
人多欲購之常不可得番婦亦白皙妍好能勤稼穡人

皆饒裕

番境補逸

阿里山離縣治十里許山廣而深峻番剽悍諸羅山哆
咯咽諸番皆畏之遇輒引避崇爰社餉附阿里山然地
最遠越蛤仔難以南有猴猴社云一二日便至其地多
生番漢人不敢入各社夏秋划蟒甲獨木舟名載鹿脯通草
水藤諸物順流出近社與漢人互市漢人亦用蟒甲載
貨以入灘流迅急船多覆溺破碎雖利可倍蓰必通事
熟於地理乃敢孤注一擲水沙連四週大山山外溪
流包絡自山口入為潭廣可七八里曲屈如環圍二十

餘里水深多魚中突一嶼番繞嶼以居空其頂頂為屋
則社有火災岸草蔓延繞岸架竹木浮水上藉草承土
以種稻謂之浮田隔岸欲詣社者必舉火為號社番划
蜆甲以渡嶼中圓淨開爽青嶂白波雲水飛動海外別

一洞天

諸羅志

阿里山乃總社名內有大龜山之大龜佛社霧山之
千仟霧社羅婆山之兜囉婆社束髻山之沙米箕社
八童關山之鹿堵社溜藤山之阿拔泉社朝天山之

踏枋社豬母勞社

一作肚武骨

共八社納餉者五社盧麻

產社今無番皆民居康熙五十六年瘴癘死亡甚衆

遂徙居於阿拔泉社附阿里山合徵者又崇爰山後

九社崇爰社竹脚宣社

一作即加宣

描丹社薄薄社芝舞

蘭社多難社

一作倒咯滿

芝密社水輦社筠柳社或云

八社之外又有礁那女嗎社打馬郎社嗎老因籠社

巴只力社龜窰社伊碎擺社有至崇爰社者自倒咯

咽用土番指引盤山逾嶺涉澗穿林計程五日夜方

至由民仔里武三日可至蛤仔難但峻嶺深林生番
錯處漢人鮮至或云水沙連過湖半日至加老望埔一
日至描里眉一日至眉加堞一日至望加臘一日至
福骨一日半至買槽無老又一日半至民仔里武二
日至蛤仔難社由描里眉二日至斗截半日至倒哈
咽過大山數重四日夜可抵崇爻社路極崎嶇坑塹
險阻難於跋涉若陰雨水漲更難計程由淡水從山
後行路稍平易

水沙連社地處大湖之中山上結廬而居山下耕鑿
而食湖水縈帶土番駕蛛甲以通往來環湖皆山層
巒險阻屬番二十餘社各依山築居山谷巉巖路徑
崎嶇惟南北兩澗沿岸堪往來外通斗六門竹腳寮
乃各社總路隘口通事築室以居焉水沙連集集決
里毛碎密蜜木靠木武郡又子黑社佛子希社亦木
武郡轄挽鱗倒咯大基描丹蛤里爛等社名為南港
加老望埔描里眉斗截平了萬致務倒咯咽眉加磔

望加臘福骨描里八描里旺買槽無老等社名為北
港或云北港尚有買薛買唐於老二社南港之番居
近漢人尚知有法而北港之番與悠武乃等社野番
接壤最為充碩巴老完問仔眉觸甲描楮江四社昔
屬水沙連統轄今移於巴老完合夥同居與民仔里
武俱通於悠武乃生番矣通事另築寮於加老望埔
撥社丁置煙布糖鹽諸物以濟土番之用售其鹿肉
皮筋等項以資課餉每年五月弔社七月進社共計

十個月可以交易完課過此則雨多草茂番無至者
康熙六十年阿里山水沙連各社乘亂殺通事以叛
六十一年邑令孫魯多方招徠示以兵威火礮賞以
煙布銀牌十二月阿里山各社土官毋落等水沙連
南港土官阿籠等就撫雍正元年正月水沙連北港
土官麻思來等亦就撫

惠安太學黃吳祚題水沙連圖詩二十

平聲餘社盡邊湖

南北沿崖仄徑紆斗六門來通一線諸番形勝島中無

五色虵毛雜樹皮織成罽毼世稀奇蠻孃妍好珠垂
項不見做田歌舞時

余咏水沙連社三首水沙連在萬山中一嶼環湖映
碧空員頂淨明傍作屋渡頭煙火小舟通土乘水
上作浮田竹木交加草蔓延最是此間勤稼穡能同
輸賦足豐年湖中員嶼外重溪三跨橫藤人自迷
此境若非番社異武陵洞口認花蹊

北路諸羅番八

大肚 牛罵

沙轆

貓霧揀

一名麻
務揀

岸裏

阿里史

樸仔離

掃揀

烏牛難

居處

大肚諸社屋以木為樑編竹為牆狀如覆舟體制與
各社相似貓霧揀諸社鑿山為壁壁前用木為屏覆
以茅草零星錯落高不盈丈門戶出入俯首而行屋
式迥不同外社

飲食

酒飯各二種飯不拘粳糯炊而食之或將糯米蒸熟
舂為餅餌名都都酒用黍米浸水越宿舂碎和以草
麴三五日發氣水浸飲之一將糯米炊飯拌麴置桶
中逾三日澄汁蒸酒番極珍之魚蝦麋鹿與南北投
等社無異惟沙轆牛罵不食牛牛死委於道旁

衣飾

男婦頭貫骨簪曰打拉所掛之珠曰立項帶瑪瑙珠
曰牙堵螺牌曰夏力什素衣服不論皂白俱短至臍

與各社同嫁娶俱著紅衣貓霧揀岸裏以下諸社俱
衣鹿皮并以皮冒其頭面止露兩目

婚嫁

婚姻曰三問男女先私通投契男以銀錫約指贈女
為定曰貓六女倩媒告之父母因為主配或娶或贅
屆期會衆設牲醪相慶不諧即離婦不俟夫再娶先
嫁罰酒一瓮私通被獲鳴通事土官罰牛一未嫁娶
者勿論岸裏各社完婚三五日男往女家女往男家

各以酒物相餽不則絕往來

喪葬

番死喪葬及浴身入室與南北投等社同守服十二
日不出戶親戚送飯十二日後請番神姐祈禳除服
婦服滿任自擇配父母兄弟不過問岸裏五社喪葬
與水沙連阿里史同

器用

收貯木柶編竹為筐大小不一式出作則置飯於中

無升斗以篋簋較準與漢人交易近亦置牀榻鼎鑪
椀筋以為雅觀

附番歌

大肚社祀祖歌

噢仔噢麻隱嚟什

過今日

靡呵麻喃仔武嘮馬礁乞

珊

都備新酒
賽戲祭祖

思引

想祖上何
等英雄

夜嘮務力

咿珊牟起林

願子孫一如
祖上英雄

牛罵沙轆思歸歌

嚙嗎嘖乞武力

往山中捕鹿

蘇多喃任嘒須歧散文

忽想起兒

子並我妻

買捷嚙離嗎嘖乞武力

速還家再來捕鹿

葛買蘇散文

喃任歧引吱

免得妻子在家盼望

貓霧揀社男婦會飲應答歌

爾貓呻嘆

幼番請番婦先歌

爾達惹巫腦

番婦請幼番先歌

爾貓力

邁邁由系引呂乞麻喃

番曰汝婦人賢而且美

爾達惹麻達馬

鱗哄什格

婦曰汝男人英雄兼能捷走

爾貓力邁邁符馬乞打老

末轆引奴薩

番曰汝婦人在家能養雞豕并能釀酒

爾達惹達赫赫麻

吮倒叮文南乞網果嗎

婦曰汝男人上山能捕鹿又能耕田園

美什果

孩唧彎哩勾根嘆巫腦歧引奴薩

今衆社皆大歡喜和歌飲酒

附載

過沙轆至牛罵社社屋隘甚假番室牖外設榻緣梯而
登雖無門闌喜其高潔余榻面山靄霧障之凡五日苦
不得一覩其麓忽見開朗殊快不知山後深山當作何
狀將登麓望之社人謂野番常伏林中射鹿見人則矢
鏃立至慎毋往予策杖披荆拂草而登既陟顛荆榛膠

結不可置足林木如蝟毛聯枝累葉陰翳晝暝仰視太
虛如井底窺天時見一規而已雖前山近在目前而密
樹障之都不得見惟有野猿跳躑上下向人作聲若老
人咳又有老猿若五尺童子箕踞怒視風度林杪作簌
簌聲肌骨欲寒瀑流潺潺尋之不得而修蛇乃出蹊下
心怖遂返越日大雨嵐氣甚盛衣潤如洗塔前泥濘足
不得展徘徊悵結賦詩曰番舍如蟻垤茅簷壓路低嵐
風侵短牖海霧襲重綈避雨從留屐支牀更著梯前溪

新漲阻徒倚欲難栖頃之有番婦至墳首瘠體貌不類
人舉手指畫若有所欲余探得食物與之社人望見亟
麾之去曰此婦有術善祟人毋令得近也

稗海紀遊

岸裏內幽礁吧年茅艷阿里史諸社磴道峻折溪澗深
阻番姓健嗜殺雖內附罕與諸番接種山射生以食縫
韋作幘鹿皮作衣臍下結以方布聊蔽前體露臂跣足
茹毛飲血登山如飛深林邃谷能蛇鑽以入舉物皆以
負戴居家則裸惟不去方布周身頑癬斑駁腥臊特甚

番女亦自白皙繞唇吻皆刺之點細細黛起若塑羅漢
髭頭共相稱美 樸仔離烏牛難等社有異種狗狀類
西洋不大而色白毛細軟如綿長二三寸番拔其毛染
以茜草合而成線雜織領袖衣帶間相間成文朱殷奪
目數社之犬惟存其躑 諸羅志

岸裏樸仔離阿里史掃掠烏牛欄五社不出外山惟
向貓霧掠交易樸仔離逼近內山生番眉裏咽貓堵
貓堵兩社間出殺人

過半線往大肚則東北行矣大肚山形遠望如百雉
高城昔有番長名大眉志謂每歲東作衆番爭致大
眉射獵於箭所及地禾稼大熟鹿豕無敢損折者箭
所不及輒被蹂躪不亦枯死其子斗肉女阿巴里壻
大柳望各社仍然敬禮獲鹿必先貽之沙轆番原有
數百人為最盛後為劉國軒殺戮殆盡只餘六人潛
匿海口今生齒又百餘人辛丑七月大風糯黍歉收間為
別番傭工以餬口土官噶即目雙瞽能約束衆番指揮

口授無敢違社南地盡膏腴可種水田漢人有欲售其地者嘎即佯許之私謂衆番曰祖公所遺祇此尺寸土可耕可捕藉以給饗飧輸餉課今售於漢人侵佔欺弄勢必盡為所有闔社將無以自存矣我與某素相識拒其請將搆怨衆為力阻無傷也卒不如其請余北巡至沙轆嘎即率各土官婦跪獻都都番婦及貓女為戲衣錦紵簪野花一老嫗鳴金以為進退之節聚薪然火光可燭天番婦拱立各給酒三大碗

一吸而盡朱顏酡者絕鮮挽手合圍歌唱跳舞繼復
逐隊蹋地先作退步後則踴躍直前齊聲歌呼惟聞
得得之聲次早將還郡治土官遠送婦女咸跪道旁
俯首高唱如誦佛聲詢之通事則云祝願步步得好
處一社攀送有戀戀意抵郡後聞將社名喚作迴馬
社以余與吳侍御北巡至此迴也余因漫紀六首
沙轆行來近北邊裸人雖陋意殊虔官厨未識都都
味首頂糍盤衆婦先聚薪然火燭天衢一嫗鳴金

貓女趨三椀鯨吞齊賜酒合圍挽手共歌呼 踏
地分曹却退行團花簇錦鬪身輕直前逞態踰躑甚
高唱惟聞得得聲 自聞天使過臺時番社遙臨豈
所期內視土官能漢語劇憐耄孺盡歡嬉 臨發追
攀不憚勞行行為爾駐旌旄蠻孃伏地齊聲唱一步
爭如一步高 誰言異類不同羣煦嫗春溫未忍分
見說新名迴馬社他年留紀海東雲

北路諸羅番九

崩山八社

大甲東社 大甲西社 宛里 南日 貓孟 房裏 雙寮 吞霄

後隴

新港仔

貓裏

加至閣

中港仔

以上

四社俱附
後隴納餉

竹塹

礁礮巴

居處

營屋先豎木為牆用草結蓋體制與別社同稍卑隘
合家一室惟娶婦贅壻則另室而居

飲食

番地少播杭稻多種黍芝麻飯皆黍米又蒸熟置罌

缶中俟發變曬乾舂為麴拌黍飯藏於瓮數日後試其味則投以水蒸其液為酒魚蝦醃為鮭鹿麕醃為脯餘物皆生食

衣飾

各社番皆束髮未娶者或分梳兩髻於額角惟此數社則剪髮至額戴竹節帽竹取其裏白反而為之高寸許以紅絲帶纏繞又以烏絲線縛之以白螺殼為方塊可寸許名曰哈達圍於項或用螺殼間用瑪瑙

珠串束於手以善走為雄麻達編五色篋束腹至胸
以便奔走穿耳實以竹圈圈漸舒則耳漸大垂至肩
乃實以木板或嵌以螺錢娶婦則去其束摘其耳實
衣名几轆長至腰以布及達戈紋為之下體圍布二
幅亦名遮陰間有衣鹿皮者會飲土官多用優人蟒
衣皂靴漢人絨帽番婦衣几轆圍遮陰耳穿五孔飾
以米珠名鶴老卜頸掛瑪瑙珠名璽忽因耶那數十
人連手頓足歌唱為樂

婚嫁

嫁娶曰諧貓麻哈呢娶婦先以海蛤數升為聘竹塹
間用生鹿肉為定蛤大如拇指殼有青文生海邊石
壁間盡力採取日不過數升甚珍之及嫁娶時用海
蛤一搭紀搭紀用竹篾編成大口
小腰高尺餘可容數斗殺牛飲酒歡會竟
日父母娶婦或一二年三五年分居視其婦孝與否
耳無一世同居者一女則贅壻一男則娶婦男多則
聽人招贅惟幼男則娶婦終養女多者聽人聘娶惟

幼女則贅壻為嗣夫婦服必逾年而後嫁娶不和或因姦則離夫未娶婦不敢先嫁嫁則罰婦及後夫并婦之父母各瑪瑙珠一串或牛一隻以歸後夫不受罰則糾集親衆負弓矢持鏢刀至後夫之家拆毀房屋倉囤土官通事不能禁私通亦然强者將其婦及姦夫立殺死或與麻達通祇罰婦酒一甕麻達不問女與麻達通亦不問

喪葬

番死男女老幼皆裸體用鹿皮包裹親屬四人舁至山上用鹿皮展鋪如席將平生衣服覆身用土掩埋服尚白色既葬本家及舁喪人三日不出戶不舂不歌番親供給飯食一月後赴園耕種通社亦三日不赴園以社有不吉事也居喪父母兄弟半月夫婦一月一月後婦不帶耳珠著豔服改適方如常

器用

耕種犁耙諸器均如漢人食器亦有鐵鐺甕碗阿里

山水沙連內山諸番尚用木扣平埔諸社多倣漢人

附番歌

崩山八社情歌

沈唧嘮葉嘆賓呀離乃嘮

夜間聽歌聲

末力吠弋達些

我

卧心悶

末里流希馬砌獨夏噫嘖喃

又聽鳥聲鳴想是舊人來訪

達

各犁目歇馬交嘖斗哩

走起去看却是風吹竹聲

嘆下遙寧臨律

嘆噉噫嘖喃呀微

總是懷人心切故爾

後墾社思子歌

曳底高毛白

怪鳥飛去

吠目吠甘宰老描崙

飛倦了宿在樹上

末

力希呂吠

見景心悶

毛嘎吠嘆幽耶林嘮

想起我兒子

目歇吠

越耶

回家去看

仔者麼飲呂吠

請諸親飲酒釋悶

竹塹社土官勸番歌

旺奇冉乞別焉毛嗒耶呼

社長請爾等來飲酒

打阿保留貓轆

弋奇老久焉魯

我祖公最善捕鹿作田

弋探耶林尤耶林真嗎

吧搭藍

爾少年子孫當聽我教導

由擺乞打保貓轆弋傳呵祿允

當學我祖勤謹耕捕

打呵貓武呼別焉

土官就愛惜爾

其耶林林毛嗒

耶呼還邀來
飲酒

附載

渡溪後過大甲社

即崩山

雙寮社至宛里社御車番人貌

甚陋胸背雕青為豹文男女悉剪髮覆額作頭陀狀規
樹皮為冠番婦穴耳為五孔以海螺文貝嵌入為飾捷
走先男子經過番社求一勺水不可得得見一人輒喜
自此以北大概畧同至中港社見門外一牛甚臃因木
籠中俯首跼足體不得展社人謂是野牛初就羈以此

馴之又云前路竹塹南嵌山中野牛千百為羣土番能
生致之候其馴用之今郡中輓車牛強半皆是自竹塹
迄南嵌八九十里不見一人一屋求一樹就陰不得途
中遇麋鹿麇麇逐隊行甚夥既至南嵌入深箐中披荆度
莽冠履俱敗直狐貉之窟非人類所宜至也

稗海紀遊

康熙壬戌偽鄭守雞籠凡需軍餉值北風盛發船不得
運悉差土番接遞男女老穉背負供役加以督運弁目
酷施鞭撻相率作亂殺諸社商往來人役新港仔竹塹

等社皆附焉鄭克塽令左協陳絳率兵擒勦土著盡遁
入山叢林疊澗無從捕緝仍不時出沒剽掠議就要道
豎柵防守困之

海上事畧

南日山後有巨石峭削巍峩出內山之頂或名為寇石
後墮諸社指石為的登絕頂東洋及山後諸社可一望
而盡

諸羅志

崩山番皆留半髮傳說明時林道乾在澎湖往來海
濱見土番則削去半髮以為碇繩番畏之每先自削

以草縛其餘

崩山八社所屬地橫亘二百餘里高阜居多低下處少番民擇沃土可耕者種芝麻芋餘為鹿場或任拋荒不容漢人耕種竹塹後墘交界隙地中有水道業戶請墾無幾餘皆依然草萊故往年自大甲溪而上非縣令給照不容出境大甲西社離港十里雙寮社離港六里後墘社離港三里竹塹社離港十里南嵌社離港二十里淡水社則直臨大海各有通事往

來郡治貨物自南而北者如鹽如糖如煙如布疋衣
線自北而南者如鹿脯鹿筋鹿角鹿皮芝麻水藤紫
菜通草之類

近竹塹為汝綠生番名猴社

叅將阮蔡文咏大甲婦詩大甲婦一何苦為夫饑餉為
夫鋤為夫日日績麻縷績縷須淨亦須長撚勻合線緊
雙股斲木虛中三尺圍鑿開一道兩頭堵輕圓漫捲不
支機一任玄黃雜成組間彩頗似虹霓生綻花疑落仙

姬舞吾聞利用前民有聖人一器一名皆上古况茲杼
軸事機絲制度周詳供黻黼土番蠢爾本無知制器伊
誰遠近取日計苦無多月計有餘縷但得稍閒餘軋軋
事偃僂番丁橫肩勝綺羅番婦周身短布袷大甲婦一
何苦 後隴詩去縣日以遠風俗日以變顧此後隴番
北至中港限音語止一方他處不能辨頭髮頂上垂當
額前後剪髮厚壓光頭其形類覆盂亦有一二人公然
戴高冕黑絲及紅絨纏之十百轉大有古人風所惜雙

足跣男女八九歲牙前兩齒剗長大手自牽另居無拘
管父固免肯堂翁亦無甥館是處兩三間邨莊何蕭散
高廩置平原黍稷有餘輓所慮濕氣蒸駕木如連棧巨
匏老而堅行汲絡藤辦溪水漲連旬利涉身焉縮豐年
百禮偕疾病顛危罕飲酒即高歌其樂何衍衍竹塹
詩南嵌之番附淡水中港之番歸後隴竹塹周環三十
里封疆不大介其中聲音畧與後隴異土風習俗將無
同年年捕鹿邱陵比今年得鹿實無幾鹿場半被流民

開藝麻之餘兼藝黍番丁自昔亦躬耕鐵鋤掘土僅寸
許百鋤不及一犂深那得盈寧畜妻子鹿革為衣不貼
身尺布為裳露雙髀是處差徭各有幫竹塹熒熒一社
耳鵲巢忽爾為鳩居鵲盡無巢鳩馬徙

阮庚午
舉人

北路諸羅番十

南嵌

坑仔

霄里

龜崙

以上三社附
南嵌納餉

淡

水

內北投

麻少翁

武嘮

俗作
勝非

大浪

象

擺接

鷄柔

以上六社附
淡水納餉

大雞籠

山

朝

金包裹

以上二社附
鷄籠納餉

蛤仔難

哆囉滿

俗作嘴非附
蛤仔難納餉

八里分

外北投 大屯

里

末

峯仔嶼

雷裏

八芝連

大加臘

木

喜巴壠

奇武卒

秀朗

里族

答答悠

麻

一作毛

里即吼

奇里岸

眩眩

小雞籠

居處

淡水地潮濕番人作室結草構成爲梯以入鋪木板
於地亦用木板爲屋如覆舟極狹隘不似近府縣各

社寬廣前後門戶式相類

飲食

番多不事耕作米粟甚少日三飧俱薯芋餘則捕魚
蝦鹿麕採紫菜通草水藤交易為日用且輸餉亦用
黍米嚼碎為酒如他社志謂淡水各社不藝圃無葱
韭生菜之屬雞最繁客至殺以代蔬俗尚冬瓜官長
至抱瓜以獻佐以粉餐鷄則以犒從者鳥獸之肉傳
諸火帶血而食麋鹿剝其喉吮生血至盡乃剝割腹

草將化者綠如苔置鹽少許即食之

衣飾

番婦頭無粧飾烏布五尺蒙頭曰老鍋頂上掛瑪瑙
珠螺錢草珠曰真仔贊耳鑽八九孔帶漢人耳環每
至力田之候男女更新衣曰換年會衆飲酒以示更
新

婚嫁

既娶曰麻民未娶曰安輓自幼倩媒以珠粒為定及

長而娶間有贅於婦家者屆期約諸親宰割牛豕以黍為粿狀如嬰兒取叶兆熊羆之意夫婦相聚白首不易婦與人私則將姦夫父母房屋拆毀倍罰珠粒分社畚以示教家不嚴未嫁娶者不禁

喪葬

畚亡用枋為棺瘞於厝邊以常時什物懸墓前三日外闔家澡身除服又與別社期年三月十日者不同器用

無田器耕以鋤平時所佩鏢刀弓箭之屬厝內所用
木扣螺碗之類

附番歌

淡水各社祭祀歌

噠晚日居留什

度請祖公

噠晚眉

度請祖母

街乃密乃濃

爾來請爾

酒

街乃密乃司買單悶

爾來請爾飯共菜

打梢打梢樸叻薩

噠塞嘆

庇祐年年好禾稼

樸叻薩噠朱馬啗噠

自東自西好收成

麻查岐斯麻老麻薩拉

捕鹿亦速擒獲

附載

雞籠淡水夷在泉州彭湖嶼東北名北港又名東番永樂中鄭和入海諭諸酋番獨不聽約束和貽之家一銅鈴使頸之蓋狗之也 雜記

自南嵌越小嶺在海岸間行巨浪捲雪拍轅下衣袂為濕至八里分社有江水為阻即淡水也水廣五六里港口中流有雞心礁海舶畏之乘蟒甲由淡水港入前望兩山夾峙曰干豆門水道甚隘入門水忽廣漶為大湖

渺無涯涘行十許里高山四繞周廣百餘里中為平原
惟一溪流水麻少翁等三社綠溪而居甲戌四月地動
不休番人怖恐相率徙去俄陷為巨浸距今不三年再
指淺處猶有竹樹梢出水面三社舊址可識 麻少翁
內北投在礮山左右毒氣蒸鬱觸鼻昏悶諸番常以糖
水洗眼隔于豆門巨港依山阻海划蟒甲以入地險固
數以睚眦殺漢人官軍至則竄淡水以北諸番此最難
治 武嘮灣大浪泵等處地廣土沃可容萬夫之耕

八里分社舊在淡水港西南之長豆溪荷蘭時後墾最悍殲之幾無遺種乃移社港之東北淡水各社土官有

正副頭目之分

裨海紀遊

哆囉滿產金淘沙出之與瓜子金相似番人鎔成條藏巨甕中客至每開甕自炫然不知所用近歲始有攜至雞籠淡水易布者斗尾龍岸番皆偉岸多力文身文面狀類魔鬼出則焚掠殺人土番聞其出皆號哭走避鄭經統兵往勦深入不見一人時亭午酷暑軍士皆渴

競取甘蔗啖之劉國軒守半線率數百人至見經大呼
曰何為至此令三軍速刈草為營亂動者斬言未畢四
面火發文面五六百人奮勇挑戰互有殺傷餘皆竄匿
深山竟不能滅僅燬其巢而歸 阿蘭番近斗尾龍岸
狀貌亦相似 雞距番足趾楂杙如雞距性善緣木樹
上往來跳躑捷同猴狖食息皆在樹間非種植不下平
地其巢與雞籠山相近常深夜獨出至海濱取水遇土
番往往竊其首去土番亦追殺不遺餘力蓋其足趾楂

利不利平地多為土番追及既登樹則穿林度棘不可
復制矣

番境補逸

雞籠山土著種類繁多秉質驍勇概居山谷按其山川
則形勝奇秀論其土地則十里饒沃溪澗深遠足以設
立州縣惟少人工居址荒蕪未闢皆為鳥獸蛇龍之窟
惜哉 偽鄭時上淡水通事李滄愿取金自效希受一
職偽監紀陳福偕行到淡水率宣毅鎮兵并附近土著
未至卑南覓社土番伏莽以待曰吾儕以此為活唐人

來取必決死戰福不敢進回至半途遇彼地土番泛舟
別販福率兵攻之獲金二百餘并繫其魁令引路刀鋸
臨之終不從按出金乃臺灣山後其地土番皆傀儡種
類未入聲教人蹟罕到自上淡水乘蟒甲從西徂東返
而自北而南溯溪而進匝月方到其出金之水流從山
後之東海與此溪無與其地山枯水冷巉巖峻峭洩水
下溪直至返流之處住有金沙土番善泅者從水底取
之如小豆粒巨細藏之竹簾或祕之甗甗間出交易彼

地人雖能到不服水土生還者無幾

海上事畧

龜崙霄裏坑仔諸番體盡羸瘦走促數又多斑癬
狀如生番

康熙壬寅五月十六至十八三日大風漳州把總朱
文炳帶卒更戍船在鹿耳門外為風飄至南路山後
厯三晝夜至蛤仔難船破登岸番疑為寇將殺之社
有何姓者素與番交易力為諭止晚宿番社番食以
菰米以片鬻餉番輒避匿不食借用木罌瓦釜番惡

其汚也洗滌數四所食者生蠨烏魚畧加以鹽活嚼
生吞相對驩甚文炳臨行犒以銀錢不受與以藍布
舊衣欣喜過望兼具蟒甲以送蟒甲獨木挖空兩邊
翼以木板用藤縛之無油灰可艫水易流入畚以杓
不時挹之行一日至山朝次日至大雞籠又一日至
金包裹

蛤仔難有金井水極寒畚淘金先置火及酒於井旁
懸藤綆入取井底泥沙口含手掬急挽而上寒不可

支飲酒向火良久乃如常有得一二錢者有數分者
亦有一無所得者既非兼金且散碎難鎔冒死求利
番人每苦為之或云後山倒咯滿南有金沙溪金沙
從內山流出近溪番婦淘沙得金後為蛤仔難番所
據

蛤仔難三十六社礁轆軒社宇馬氏社期班女懶社

八知美簡社

一作巴
抵女簡

嘮拔丹社基密丹社八知買驛

社

一作巴
抵馬悅

礁仔壠岸社

一作礁
礁人岸

麻里陳轆社

一作貓
里藤角

辛也罕社

一作新
仔羅罕

其沓沓社須老員社

一作思
老完

八陳

雷社奇武煖社抵密密社

一作
芝密

倒麥倒麥社礁嘮貓

社已老鬱社賓耶知懶社脾釐社奇直扳社賓仔貓

力尾社沈美閣社歪阿歪阿社

一作歪
仔歪

陳雷女簡社

削骨削骨社礁嘮密社巴嘮辛仔員社

一作巴老
臣那浮毒

龜晚社

一作搭
龜滿

奇武流社佳笠苑社

一作交
里苑

冬仔爛

社

一作微
也難懶


其餘四社一作肉生打鄰里劉簡了喏一

作期尾笠毋罕毋罕貓嘮府偃汚泥肴未知孰是

陳湄川中丞淡水各社紀程淡水港水路十五里至
千豆門南港水路四十里至武嘮灣此地可泊船內
雞心礁陸路六里至雷裏六里至了阿八里至秀朗
三十里至里末三里至擺接北港水路十里至內北
投四里至麻少翁十五里至大浪泵此地可泊船三
里至奇武仔十五里至答答悠五里至里族六里至
麻里即吼二十里至峯仔嶼上灘水路七十里至嶺
脚上嶺下嶺十里渡海十二里至雞籠又淡水港北

過港坐蟒甲上岸至八里分十五里至外北投十二里至雞柔山十五里至大屯三十里至小雞籠七十里至金包裏跳石過嶺八十里至雞籠社

番人逐鹿曾至礮山絕頂有水如池澄然一泓



臺海使槎錄卷六

欽定四庫全書

史部

臺海使槎錄卷八

詳校官太常寺少卿

臣陳桂林

編修

臣

程嘉謨覆勘

總校官進士

臣

繆

琪

校對官編修

臣

汪

鏞

謄錄舉人

臣

鍾

廷煥

欽定四庫全書

臺海使槎錄卷七

常鎮揚通道黃叔璥撰

南路鳳山番一

上淡水

一名大木連

下淡水

一名麻里麻崙

阿猴搭

樓

茄藤

一名奢連

放線

一名阿加

武洛

一名大澤機一名尖

山

力力

居處

屋名曰朗築土為基架竹為樑葺茅為蓋編竹為牆
織蓬為門每築一室衆番鳩工協成無工師匠氏之
費無斧斤鋸鑿之煩用刀一柄可成衆室正屋起脊
圍竹裹草標左右如獸吻狀名曰律武洛名曰打藍
示觀美也社四圍植竹木貯米另為小室名曰圭茅
或方或圓或三五間十餘間毗連亦以竹草成之基
高倍於常屋下木上簾積穀於上每間可容三百餘
石正供收入遞年輪換夜則鳴鑼巡守雖風雨無間

也

飲食

種杭稻黍糯白豆菜豆番薯又有香米倍長大味醇
氣馥為飯逾二三日香美不餒每歲種植只供一年
自食不交易價雖數倍不售也歲時宴會魚肉雞黍
每味重設大會則用豕一不治別具飲酒不醉興酣
則起而歌而舞舞無錦繡被體或者短衣或袒胸背
跳躍盤旋如兒戲狀歌無常曲就見在景作曼聲一

人歌羣拍手而和捕鹿除鹿臙外筋肉悉呈土官近
番以鹿易酒將捕鹿先聽鳥音占吉凶鳥色白尾長
即華雀也番曰
蠻任音宏亮吉微細凶食物餒敗生蟲欣
然食之酒以味酸為醇漢人至則酌以待歡甚出番
婦侑酒或六七人十餘人各斟滿碗以進客逐碗皆飲
衆婦歡然而退倘前進者飲後進者辭遂分榮辱矣
客惟盡辭不飲為善

衣飾

男裸全體女露上身自歸版圖後女著衣裙裹雙脰
男用鹿皮蔽體或氊披身名卓戈紋青布圍腰下即
桶裙也名抄陰武洛曰阿習俱赤脚土官有著履者
男女喜簪野花圍繞頭上名蛤網揀雞羽名莫良武
洛曰伊習力力曰馬甲奴葛猶漢言齊整也性好潔
冬夏男女日一浴赤體危立以盂水從首淋下拭以
布或浴於溪用鹿豕脂潤髮名奇馬恐髮散垂各以
青布纏頭或以草冬夏不除近亦有戴帽者剃頭編

辦者拔髭鬚名心力其我我愛少惡老長鬚者雖少
亦老至頭白不留一鬚每日取草擦齒愈黑愈固項
懸螺錢名興那手帶銅鐲或鐵環名圭留力力社曰
勞拔脚帶鐵鐲名石加來皆以飾美故男女并帶之
又麻達用咬根任即薩
跂宜擊鐲鳴聲另用鐵片繫腰間
以助韻傳送文移行愈疾聲愈遠謂暮夜有惡物阻
道恃以不恐穿耳惟茄藤放繚力力三社或以木貫
之名勞宇

婚嫁

不擇婚不倩媒妁女及笄構屋獨居番童有意者彈
嘴琴逗之琴削竹為弓長尺餘以絲線為絃一頭以
薄篾折而環其端承於近梢絃末疊繫於弓面齧其
背爪其絃自成一音名曰突肉意合女出而招之同

居曰牽手逾月各告於父母以紗帕青紅布為聘

富者

用紗帕貧
惟青紅布

女父母具牲醪會諸親以贅焉謂子曰安

六壻亦同之既婚女赴男家洒掃屋舍三日名曰烏

合此後男歸女家同耕並作以諧終身夫婦反目夫
出其婦婦離其夫不論有無生育均分舍內什物各
再牽手出贅近日番女多與漢人牽手者媒妁聘娶
文又加煩矣

喪葬

土官故掛藍布旛竿鳴鑼輦屍遍遊通社名曰班采
少里堂教教通社閉戶尸遊歸家用板合成一盞置
屍於內殮以平日衣服什物各半諸親各送青藍布

一丈或鹿皮一張同什物與盂塋所卧床下妻子遷居別室本家及親友各酹以酒奠畢錮其戶歸無論老少仍別牽手其子孫則胛背披藍布二片謂之掛孝約及期年去之餘番有喪悉如土官惟不敢游屍耳

器用

飲食用柳瓢名奇麟不用箸以手攫取近亦用粗椀名其矢竹箸名甘直竈支三木泥以土或用石甃名

曰六難鍋曰巴六汲水用大葫蘆曰大蒲畚近亦用木桶坐皆席地或藉鹿皮飲食宴會蹲踞而食近始製桌椅以待客番衆仍架竹為凳而蹲踞席地之風少減矣衣糧多貯葫蘆內遠出亦擔以載行衣近行用竹筒名斗籠貯香米飯以禦饑又編竹為霞籃其制圓小者容一二斗大者可三四石番無升斗以此槩米粟黍豆多寡與北路大肚諸社同藤籠以藤為之有底有蓋或方或圓或似豬腰形用以貯物至弓

矢鏢槩亦與北路同刀長止尺許或齊頭或尖葉函
以木鞘男婦外出繫於腰間以堅木為木牌高三尺
餘濶二尺繪畫雲鳥以蔽身

附番歌

上淡水力田歌

咳呵呵里慢里慢那毛呵埋

此時係明
田之候

嘿啞老嘿描

噴咳

天今
下雨

嘿吧伊加圭朗煙

及時
畊種

嘿麻列嘿呵女門

下秧
鋤草

嘿描螺螺噴連

好雨節
次來了

嘿麻萬列其嘻列

播田
明白

好來
飲酒

下淡水頌祖歌

巴干拉呀拉呀留

請爾等
坐聽

礁眉啞啞漢連多羅我洛

論我祖先
如同大魚

礁眉呵干洛呵連

凡行走
必在前

呵吱媽描歪呵

連刀

何等
英雄

啞嗎礁卓舉呀連呵吱嗎

如今我輩
子孫不肖

無羅

嘖連

如風
隨舞

巴干拉呀拉呀留

請爾等
坐聽

阿猴頌祖歌

咳呵呵咳仔滴啞老

論我
祖

振芒喼糾連

實是
好漢

礁呵留

的乜乜

衆番無敵

礁留乜乜連

誰敢相爭

搭樓念祖被水歌

咳呵呵咳呵

此係起曲之調

加斗寅

祖公時

嗎搏叻嘮濃

被水

冲擊搭學叻施仔捧

衆番就走

磨葛多務根

走上山內

佳史其加

顯加咄

無有柴米

佳史叻啖嗎

也無田園

麻踏堀其搭學

衆番好艱

苦

茄藤飲酒歌

近呵欵其歪

請同來飲酒

礁年臨萬臨萬其歪

同坐同飲

描呵

那哆描呵欵

不醉無歸

代來那其歪

答曰多謝汝

嘻哆萬那呵

欵其歪

如今好去游戲

龜描呵滿礁呵欵其歪

若不同去游戲便回家去

放繚種薑歌

粘粘到落其武難馬涼道毛呀覓其啞嗎

此時是三月天好去

犁園

武朗弋礁拉老歪礁嗎嘆

不論男女老幼

免洗溫毛雅覓

刀嗎林嗎萬萬

同去犁園好種薑

嗎米嗎萬萬吧咧陽午涼

藹米嗎咧呵

俟薑出後再來飲酒

武洛頌祖歌

嘻呵浩孩耶嘖

此句係起曲之調

乜連糾

先時節

鎮喇烏留岐

跌唧

我祖先能敵傀儡

那喇平奇腰眉

間風可畏

鎮仔奇腰眉

如今

傀儡尚懼

嘿耳奄耳奄罩散嘖

不敢侵越我界

力力飲酒捕鹿歌

文嘮嘿啞奢

來賽戲

丹領嘿漫漫

種了薑

排裏嘿黎唉

去換

糯米

伊弄嘿嘮力

來釀酒

麻骨裏嘿嘮力

釀成好酒

艷黍其麻

因刃臨萬嘿嘮力

請土官來飲酒

媽良嘿嘮力

酒足後

毛丙力

嘿文蘭

去捕鹿

毛里居嘿丙力

捕鹿回

文嘮嘿啞奢

復來賽戲

附載

土官有正副大社五六人小社三四人各分公廨

管事頭目

亦稱公廨

有事則集衆以議能書紅毛字者號曰教冊掌登

出入之數削鵝毛管濡墨橫書自左而右由淡水入深

山番狀如猿猱長僅三四尺語與外社不通見人則升

樹杪人視之則張弓相向

鳳山志

鳳山一邑倉穀多於淡水各社堆貯修葺倉廩悉令

土番繕治已屬派累至司納出入有社房有對差或

經管僕役諸番原不與聞及遇黷兼之猴鼠侵耗
或官吏侵盜缺少俱責令各番賠補從前有司總利
番民蚩愚剝削侵吞苦累實甚余飭所司倉廩祇許
令土番在外協同看護至倉內穀石及修理倉房不
得混派一粟一木稍知警惕

小琉球社對東港地廣約二十餘里久無番社餉同
瑯嶠卑南覓皆邑令代輸山多林木採薪者乘小艇
登岸水深難於維繫將舟牽拽岸上結寮而居近因

偵緝餘孽所司絕其往來矣

南路番童習漢書者曾令背誦默寫上淡水施仔洛
讀至離婁人孕礁巴加貓讀左傳鄭伯克段於鄆竟
能默寫全篇下淡水加貓礁加里文郎讀四書毛詩
亦能摘錄加貓讀至先進礁恭讀大學放繚社呵里
莫讀中庸搭樓社山里貓老讀論語皆能手書姓名
加貓於紙尾書字完呈上指日榮陞數字尤為番童
中善解事者

武洛社八社中最小性驚悍逼近傀儡山先是傀儡
生番欺其社小人微欲滅之土官糾集社番往鬪大
敗生番戮其衆無算由是傀儡懾服不敢窺境其子
孫作歌以頌祖功冬春捕鹿採薪羣歌相和音極亢
烈生番聞之知為武洛社番無敢出以撓其鋒者余
詩云發聲一唱競嘻呵不解腰眉語疊何傀儡深藏
那敢出為聞武洛採薪歌

黃吳祚咏上淡水八社二首初冬出草入山深先向林

間聽鳥音草雀飛來音較亮諸番競奮逐前禽

社中留客勸銜杯諸婦相將送酒來誤進一杯須盡飲

漫分辭受起嫌猜

南路鳳山傀儡番二

北葉安

心武里

北葉分出

山豬毛

加蚌

一作朶

加務朗

勃朗

一名錫干

施

一作系

汝臘

山里

老

一名山里

加少山

七齒岸

一云即施汝臘未知孰是

加六堂

礁嘮其難

一名陳那加勿

陳阿修

一名八絲力以

上熟
番

加走山 礁網昌氏 糸率臘 毛糸糸 望

仔立 加籠雅 無朗逸 山里目 佳者惹

葉 擺律 柯覓 則加則加單

以上新
附番

傀儡生番動輒殺人割首以去髑髏用金飾以為寶
志言之矣被殺之番其子嗣於四個月釋服後必出
殺人取首級以祭大武力尤驚悍以故無敢輕厯
其境飲食居處傳說不一有云若輩在深山中首蒙

鹿皮胷背間用熊皮蔽之喜食大龜用火炙熟刀劈
啖之以殼為什器龜卵剝去軟皮和鹽少許而食麋
鹿取其肉用石壓去血水曬乾出山易鹽布米珠遇
鐵及鉛子火藥雖傾其所有以易不顧也芋極長大
而細膩番以為糧熟後陰乾每食少許以水下之可
終日不食或云武力社率芒社瓜覓社厯厯社七脚
亭社擺律社加籠雅社無朗逸社望仔立社勃朗社
陳那加勿社陳阿修社加務朗社董滴社加蚌社加

少山社毛系系社礁網曷氏社龜嘮律社為港東里
十九社加走山社系汝臘社系率臘社七齒岸社北
葉社心武里社山里老社八歹社加者膀眼社拜完社
山豬毛社山里目社力力喇社為港西里十三社鳳
山通事外委鄭宇云礁巴覓曾轄六社山豬毛社山
里目社賓嘮龜臘社大解懷社毛那難社加知務難
社加務朗社轄三社柯覓社擺律社君崙留社擺灣
社轄十二社礁巴覓工社山嘮老社加查青難社陳

阿少里社加力氏社加則難社八歹因社礁來搭來
社加老律社加者勝眼社知嘮曰氏社君云樓社佳
者惹葉社轄十一社山里留社加少山社陳阿難益
難社擺也也社加走山社則加則加單社大文里社
貓美加社思里思里莫社施汝臘社卒武里社加蚌
社轄九社礁網曷氏社施率臘社毛系系社嘮律目
社施羅滿社礁嘮其難社八絲力社加籠雅社勃朗
錫干社望仔立社轄二社無朗逸社七脚亭社又厯

歷社董底社萬屢屢社屬山後卑南覓社社轄共六
十八社又見別圖有黎嶺社懷仔社加人工社山務
諧社山卓考社或又云共七十二社層巖疊岫人蹟
罕經得之傳聞無所證據茲盡為錄出以俟後之留
心採訪者

雍正癸卯秋心武里女土官蘭雷為客民殺死八歹
社加者勝眼社率領番衆數百暗伏東勢莊殺死客
民三人割頭顱以去文武宣示兵威勒緝兇番兩社

遯逃僅得二髑髏以歸維時附近生番加走山社礁
網曷氏社系率臘社毛系系社望仔立社加籠雅社
無朗逸社山里目社呈送番豕卓戈紋番籃蓋願來
歸化計七百餘口各社歲輸鹿皮五張不衣不袴惟
於私處以布圍繞土官衣狀如髻毫風吹四肢畢露
毛系系社女土官弟勞里阮頭帶竹方架四圍用紅
雨纓織成中有黃花紋遠望如錦纏繞竹上名達拉
嗎亦有飾以孔雀毛者云非土官不敢加首

甲辰四月舊歸化山里留社土官珍里覓挈佳者惹
葉社公廨蘭朗則加則加單社公廨礁鹿子卓擺律
社副土官彩文柯覓社公廨余基卯等獻送戶口冊
共五百二十名口附貢迦喇巴

箴籃
蓋

八咿洞

即卓
紋

四

番豕二據稱

聖天子愛養黎元下逮番庶聞風歸化土官內有戴豹皮
帽者名力居樓大羅房如豹頭形眼中嵌玻璃片週
圍飾以朱英帽後綴以豹尾亦有戴頭箍者名奧曼

插以鳥羽十餘枝參差排列垂髮二縷云係其妻之
髮衣熊豹皮名曰褚買內披短衣曰鴿覓下體盡露
惟於私處圍烏布一片名曰突勿亦有胸前搭紅綠
卓戈紋者名曰噶拉祿用紅嗶吱折碎間以草絲番
婦用口染成青綠經緯錯綜頗為堅緻各佩一刀名
曰奪佳另有網袋名細敲皮袋名落母皆以貯行裝
者

鳳山令楊毓健令鄭宇撫和生番往來傀儡山風土

性情言之極詳因述其畧鳳邑東南一帶巘巖參差足蹟不至山前則加蚌山豬毛望仔立等七十二社上連諸羅之務來優下及鳳山之謝必益山後則卑南覓七十二社北通崇爰南極琅嶠悉為傀儡番巢穴每社各土官一仍有副土官公廨小社僅一土官大社轄十餘社或數社不一共五十四社他如謝必益轄四社琅嶠轄十四社卑南覓轄六十八社崇爰轄四社山前山後社百四十有奇其居處悉於山四

險隘處以小石片築為牆壁大木為樑大枋為桷鑿石為瓦不慮風雨惟患地震大枋大石為牀番布為裯食用器具以藤篾為筐為椀為鉢為杓為箸種薯芋黍米以充食種時男婦老幼偕往無牛隻犁耙惟用鐵錐鋤鑿栽種芋熟置大竹扁上火焙成乾以為終歲之需外出亦資為餽糧農事之暇男則採藤編籃砍木鑿盆女則績苧織布惟土官家織紅藍色布及帶頭織人面形餘則不敢各社生番持與熟番交

易珠布鹽鐵熟番出與通事交易土官畜雞犬却不
食餘番則以竹木及豢豕捕獸為活下山則腰佩短
刀手執鏢槊竹箭木牌等械背負網袋內貯貨物披
髮裸身下體烏布圍遮隆冬以野獸皮為衣熊皮非
土官不敢服天雨則以棟榔葉為衣為笠天旱亦祈
禱通社男女五日不出門不舉火不食煙惟食芋乾
得雨後亦不出門五日謝雨名曰起向各社頭皆留
髮剪與眉齊草箍似帽以野草黑齒兩耳穴孔用篾

圈抵塞土官副官公廨至娶妻後即於肩背胸膛手
臂兩腋以鍼刺花用黑煙文之正土官刺人形副土
官公廨祇刺墨花而已女土官肩背手掌亦刺墨花
此即尊卑之別捕鹿射獵以鹿皮為袴為履鏢刀弓
矢皆所自製最喜鼎鐙銅鐵米珠鹽布嗶吱梳枇親
朋相見以鼻彼此相就一點小番見土官以鼻向土
官項後髮際一點凡所轄社小番栽種黍米薯芋土
官抽取十分之二至射獵麋鹿山豬等獸土官得後

一蹄凡嫁娶則以鼎珠刀布為聘土官取其半山前
山後諸社例於五年土官暨衆番百十圍遶各執長
竹竿一人以藤毬上擲競以長竿刺之中者為勝番
衆捧酒為賀名曰托高會酒酣各矜豪勇以殺人頭
多者為雄長故殺人之案歲不絕書今歸化生番習
已盡易番婦俱以鞦韆為戲各社戶前因大樹縛藤
縱送為樂日夕歌唱不絕口散髮蓬鬆短衣跣足外
出掘薯收芋衣物俱於網袋貯之行戴於首未婚時

男女歌唱相合男隨女肩水負薪意既投始告父母聘之反目即時分離男再娶女別嫁土官彼此結姻不與衆番婚娶歸化番女亦有與漢人為妻室者往來倍親密土官故無論男女總以長者承嗣長男則娶婦長女則贅壻家業盡付之甥即為孫以衍後嗣無姓氏三世外即互相嫁娶孫祖或至同名子多者名或與伯叔同父母兄弟故家業器用一家均分死者亦一分埋葬於屋內挖穴四圍立石先後死者次

第坐墓穴中無棺木只以番布包裹其一分物件置尸側大石為蓋米粥和柴灰粘石罅使穢氣不泄婦產死山頂另開一堀埋之本社有喪通社男女為服二十餘日親屬六月土官死則本社及所屬各社老幼亦服六月其服身首纏披烏布通社不飲酒不歌唱父母之服長男長女身披烏布頭荷斗笠謂不敢見天也服滿射鹿飲酒除烏布謂之撤服歲時以黍米熟為一年月圓為一月語與八社異有事他出聽

烏音吉則趨凶則返酒以黍米合青草花同春草葉
包煮四五日外清水漉之貯甕一二日即有酒味聚
飲以木椀盛酒土官先酌次及副土官公廨衆番相
繼而飲社番間有角口無相毆者有犯土官令公廨
持竹木橫擊將其器物盡為棄擲卑南覓社有犯及
獲獸不與豚蹄以背叛論即殺之

番貧莫如傀儡而負嵎蟠踞自昔為然紅毛偽鄭屢
思勦除居高負險數戰不利率皆中止近則種類漸

多野性難馴且幼習鏢刀拈弓矢輕禽狡獸鏢箭一
發無逸克頑嗜殺實為化外異類今

聖明臨御惠澤廣被有血氣莫不尊親雖蠻貊悍輕亦知
向化源源來歸非強致也

南路鳳山瑯嶠十八社三

謝必益

豬嘮鍊

一名地藍松

小麻利

一名貓籠逸一名貓

蘭施那格

貓裏踏

寶刀

牡丹

蒙率

拔蜣

龍鸞

貓仔

上懷

下懷

龜仔律

竹 猴洞

大龜文

或云
傀儡

柯律

居處

築厝於巖洞以石為垣以木為櫟蓋薄石板於厝上
厝名打邑前後栽植檳榔萋藤至種芋藝黍時更於
山下豎竹為牆取草遮蓋以為棲止收穫畢仍歸山
間

飲食

諸番傍巖而居或叢處內山五穀絕少斫樹燔根以

種芋魁大者七八觔貯以為糧收芋時穴為窖積薪
燒炭置芋灰中仍覆以土聚一社之衆發而噉焉甲
盡則乙不分彼此日凡三餐不食鷄有傳紅毛欲殺
生番俱避禍遠匿聞雞聲知其所在逐而殺之番以
為神故不食深山捕鹿不計日期饑則生薑嚼水佐
以草木之實云可支一月或以煨芋為糧無火則取
竹木相鋸而出火海邊多石各番於空洞處傾曬海
水成鹽收米三次為三年則大會束草為人頭擲於

空中各番削竹為槍迎而刺之中者為麻丹畢華言
好漢也各番以酒相慶三日乃止與傀儡畧同

衣飾

男婦用自織布圍繞曰張面婦短衣曰鴿肉男短衣
曰瑯袍剪紙條垂首曰加篤北或為草籬束髮曰臘
手足亦用銅鐲曰打臘或以鹿尾束脛曰打割出入
負鹿皮曰藉以坐夜則寢之

婚嫁

各番結婚不問伯叔之子自相配偶惟土官則不與
衆番為婚男女於山間彈嘴琴歌唱相和意投則野
合各以佩物相貽歸告父母土官另期具豕酒會土
官親戚贅入婦家反目男再娶婦將所生子女別醮
其俗重母不重父同母異父俱為同胞同父異母直
如陌路呼父曰阿媽稱叔伯母舅如之呼母曰惟那
稱孀母及姪亦如之夫婦相稱以名產後同所生子
浴於溪中與北路同一產二男為不祥將所產子縛

於樹梢至死并移居他處瑯嶠一社喜與漢人為婚
以青布四疋小鐵鐺一口米珠觔許為聘臨期備牲
醪白之所親及土官成婚番無姓名以父名為姓以
祖名為名如祖名甲父名乙即以乙為姓甲為名衆
番呼曰乙礁巴甲礁巴者番人口吻語

喪塋

番死厝內築石洞以塋石板封固生者不別遷喪服
則衣白褂圍白布與別社以烏布為服又不同

器用

社內有製牀者名曰篤篤亦設而不用與漢人交易
鐵器火藥以為捕鹿之具鏢曰武洛刀曰確傑弓箭
曰木拉鍋曰巴六魚網曰下來

瑯嶠待客歌

立孫呵網直

爾來瑯嶠

六呷呵談眉談眉

此處不似內地

那鬼呵

網直務昌哩呵朗耶

爾來無佳物供應

嗎疎嗎疎

得罪得罪

瑯嶠各社俱受小麻利番長約束代種薯芋生薑為

應差小麻利即瑯嶠一帶主番也番長及番頭目男
女以長承襲所需米珠烏青布鐵鎗漢人每以此易
其鹿脯鹿筋鹿皮卓戈紋路多險阻沿海跳石而行
經傀儡山非數十人偕行未敢輕踐其境瑯嶠諸社
隙地民向多種植田畝今有司禁止悉為荒田沿海
如魚房港大繡房一帶小船仍往來不絕或云十八
社外尚有高士港社是人傑社佳諸來社懷裏社咬
人土社滑事滑社

附載

卑蘭覓係番社總名在傀儡山後沿海一帶地與傀儡山相連中有高山聳起相傳七十二社

與前異

各社

名不能盡記購社貿易每在山脚沿海處所約行程四五日始窮其境自卑蘭覓而北有老郎社美基社八里捫社農仔農社

一名南仔郎

須嘮宰社獨馬煙社株

栗社貓武骨社佳嘮突社貓蠻社白逸民社佳落社甕繚社離北路崇爻社地界百有餘里人煙斷絕自

卑蘭覓而南有呂家莽社謝馬子社知本社朝貓離
社咬啣蘭社寧巒社謝已寧社幹仔弼社幹仔崙社
殼只零社打早高社大烏萬社離瑯嶠地界六七十
里亦鮮人蹟貨則鹿脯鹿筋鹿皮麋皮麕皮苧藤果
則蕉實鳳梨蔗樣柑柚檳榔毛柿土番日食薯芋黍
秫金瓜鹽自曝用鹿豕魚酒則上珍矣服飾富者烏
布為衣嗶吱為抄陰為方襪如平埔熟番之制未著
更短貧者以鹿皮苧衣蔽體耕作無牛亦無鋤鑄僅

用一鋤闊三寸柄長一尺屈足伏地而鋤捕鹿用獵
犬弓矢鏢刀網羅婚嫁男女十餘歲時男以鏢為定
迄成婚畧無聘禮反目男女各擇配偶方離產兒用
冷水浴雙胎為不吉委道傍即徙居父母亡視若路
人惟為兄弟姊妹服亦僅除草珠而已赴社水路僅
容杉板船懸崖石壁無可泊處農仔農社有坑溝一
道船至土番羣立岸上船梢拋索土番接索挽進即
泊溝內若無接挽溝外無可泊處大龜文謝必益諸

社俱有路可通或云自冀基湖入傀儡山行二日可至鳥道盤旋跋履非易外此則穿荆度莽越嶺攀藤尤難施步矣拔貢施世榜說

紅頭嶼番在南路山後由沙馬磯放洋東行二更至雞心嶼又二更至紅頭嶼小山孤立海中山內四圍平曠傍岸皆礁大船不能泊每用小艇以渡山無草木番以石為屋卑隘不堪起立產金番無鐵以金為鏹鏹槍舌昔年臺人利其金私與貿易因言語不諳

臺人殺番奪金後復邀瑯嶠番同往紅頭嶼番盡殺之今則無人敢至其地矣

或云瑯嶠山後行一日至貓丹又二日過丹哩溪口至老佛又一日至大烏萬社又三日過加仔難社朝貓籬社至卑南覓社番長名文吉轄達里武甲等七十二社歲輸正供銀六十八兩零南仔郎港可以泊船由卑南覓一日至八里捫又一日至加老突文吉所屬番界止此至打水安一日又二日至芝母蘭共

五社又行五日至直加宣社俱係北路山後生番另
詳本社之下凡此山後綿亘聲息鮮通野番種類無
可查據姑附識於此

臺海使槎錄卷七

欽定四庫全書

臺海使槎錄卷八

常鎮揚通道黃叔璥撰

生番

諸羅鳳山番有土番野番之別野番在深山中疊嶂如屏連峯插漢深林密箐仰不見天棘刺藤蘿舉足觸礙蓋自洪荒以來斧斤所未入野番巢居穴處血飲毛茹種類實繁其升高陟巔越箐度莽之捷可以追驚猿逐

駭獸平地諸番恒畏之無敢入其境客冬有賴科者欲
通山東土番與七人為侶晝伏夜行從野番中越度萬
山竟達東面東番導遊各社禾黍芄芃比戶殷富謂苦
野番間阻不得與山西通欲約西番夾擊之又曰寄語
長官若能以兵相助則山東萬人鑿山通道東西一家
共輸貢賦為 天朝民矣有當事者能持其議與東番約
期夾擊勦撫並施烈澤焚山夷其險阻則數年後未必
不變荆棘為坦途而化槃瓠魍魎為良民也

諸羅山以上皆在深溪峻嶺之間惟知採捕麀鹿聽商
貿易鮮食衣毛所異於禽獸者幾希矣番之性雖剛而
狠但見小而善疑故無非分之求其技善奔走穿藤攀
棘捷於猿獮所用之器鏢鎗最利竹弓竹箭雖不甚競
而射飛逐走發無不中倘使稍有知識偶或蠢動亦非
易制之衆也

諸羅雜識

臺灣生番素喜為亂苟有不足則出山屠殺商民然撫
此類也若專以威則難搗其穴或柔以惠則難飽其貪

要當示之以威武懷之以德意駕馭有術不敢背叛且
各社自樹其黨不相統轄力分則薄較易繩束又其俗
尚殺人以為武勇所屠人頭挖去皮肉煮去脂膏塗以
金色藏諸高閣以多較勝稱為豪俠云

海上事畧

熟番

平地近番不識不知無求無欲日遊於葛天無懷之世
有擊壤鼓腹之遺風往來市中狀貌無甚異惟兩目坳
深瞪視似稍別其語多作都盧咽轆聲呼酒曰打喇酥

煙曰篤木固相傳元人滅金金人有浮海避元者為颶
風飄至各擇所居耕鑿自贍數世之後忘其所自而語
則未嘗改終歲不知春夏老死不知年歲有金錢無所
用故不知蓄積秋成納稼計終歲所食有餘則盡付麴
蘖無男女皆嗜酒屋必自搆衣必自織績麻為網屈竹
為弓以獵以漁罔非自為而用之腰間一刀凡所成造
皆出於此惟陶冶不能自為得鐵則取澗中兩石自槌
之久亦成器社推一二人為土官非滇廣徵賦稅操殺

奪擁兵自衛者比

柙海紀遊

土番非如雲貴之貓獠猺獞各分種類聚族而居者也
社之大者不過一二百丁社之小者止有二三十丁見
在各社有正副土官以統攝番衆然亦文項蒙頭無分
體統考其實即內地里長保長之役耳

東寧政事集

社商

紅毛始踞時平地土官悉受約束犯法殺人者勦滅無
孑遺鄭氏繼至立法尤嚴誅夷不遺赤子併田疇廬舍

廢之諸番謂鄭氏來紅毛畏逃今鄭氏又勦滅

帝真天威矣故其人既愚又甚畏法郡縣有財力者認辦社課名曰社商社商又委通事夥長輩使居社中凡番一粒一毫皆有籍稽之射得麋鹿盡取其肉為脯并取其皮二者輸賦有餘然胥削無厭視所有不異已物平時事無巨細悉呼男婦孩穉供役且納番婦為妻妾有求必與有過必撻而番人不甚怨之苟能化以禮義風以詩書教以蓄有備無之道制以衣服飲食冠婚喪祭之

禮遠在百年近則三十年將見風俗改觀率循禮教寧與中國之民有異乎余謂欲化番人必如唐韋臯宋張詠之治蜀久任數十年不責旦暮之效然後可噫蓋亦難言矣然又有暗阻潛撓於中者則社棍是也謀長夥長通事熟識番情復解番語父死子繼流毒無已社商有虧折耗費此輩坐享其利社商率一二歲更易此輩雖死不移利番人之愚又欲番人之貧愚則攫奪惟意貧則力不敢抗即有以冤訴者番語侏離不能達情通

事顛倒以對番人反受呵譴是舉世所當哀矜者莫番
若矣乃以其異類且歧視之見其無衣曰是不知寒見
其雨行露宿曰彼不致疾見其負重馳遠曰若本耐勞
噫若亦人也馬不宿馳牛無偏駕否則致疾牛馬且然
而況於人乎抑知彼苟多帛亦重絳矣寒胡為哉彼苟
無事亦安居矣暴露胡為哉彼苟免力役亦暇且逸矣奔
走負戴胡為哉異其人何必異其性

稗海紀遊

社餉

贖社之稅在紅夷即有之其法每年五月初二日主計諸官集於公所願贖衆商亦至其地將各社港餉銀之數高呼於上商人願認則報名承應不應者減其數而再呼至有人承應而止隨即取商人姓名及所認餉額書之於冊取具街市舖戶保領就商徵收分為四季商人既認之後率其夥伴至社貿易凡番之所有與番之所需皆出於商人之手外此無敢買亦無敢賣雖可裕餉實未免於累商也 臺灣南北番社以捕鹿為業贖社

之商以貨物與番民貿易肉則作脯發賣皮則交官折
餉日本之人多用皮以為衣服包裹及牆壁之飾歲必
需之紅夷以來即以鹿皮興販有麋皮有牯皮有母皮
有麀皮有末皮麋皮大而重鄭氏照觔給價其下四種
俱按大小分價貴賤一年所得亦無定數偽冊所云捕
鹿多則皮張多捕鹿少則皮張少蓋以鹿生山谷採捕
不能預計也

諸羅雜志

交納鹿皮自紅毛以來即為成例收皮之數每年不過

五萬張或曰萬餘張牯皮母皮末皮麀皮麋皮分為五等大小兼收偽冊報部並未有止用大鹿皮及山馬皮

之說

東寧政事集

番俗醇樸太古之遺一自居民雜沓强者欺番視番為俎上之肉弱者媚番導番為升木之孫地方隱憂莫甚於此社餉一項鳳山下淡水八社番米在偽鄭原數五千九百三十三石八斗蕩平後酌減為四千六百四十五石三斗諸羅社餉共七千七百八兩零未邀裁減從

前猶可支持以地皆番有出產原多自比年以來流亡日集以有定之疆土處日益之流民累月經年日事侵削向為番民鹿場麻地今為業戶請墾或為流寓佔耕番民世守之業竟不能存什一於千百且開臺來每年維正之供七千八百餘金花紅八千餘金官令採買麻石又四千餘金放行社鹽又二千餘金總計一歲所出共二萬餘金中間通事頭家假公濟私何啻數倍土番膏血有幾雖欲不窮得乎今一切陋弊革盡無餘而正

供應作何酌征以蘇番黎之苦

周鍾瑄上滿總制書

捕鹿

鹿場多荒草高丈餘一望不知其極逐鹿因風所向
三面縱火焚燒前留一面各番負弓矢持鏢槊俟其
奔逸圍繞擒殺漢人有私往場中捕鹿者被獲用竹
桿將兩手平縛鳴官究治謂為悞餉相識者面或不
言暗伏鏢箭以射之若雉兔則不禁也

番役

凡長吏將弁遠出番為肩輿行笥襆被皆其所任疲
於奔命久矣曾為嚴止余巡視南北兩路概不令任
諸力役惟過淡水虎尾大肚溪深水漲用五六人擎
扶筍輿犒以錢煙假宿社寮及兵弁輿從栖止處悉
酬以煙布諸番驩甚謂為從來未有間以所食物予
番則驩然盡飽問何故跣足曰非樂此特無履耳可
見人性皆同

土官饋獻

新官莅任各社土官瞻謁例有饋獻率皆通事書記
釀金承辦羊豕鵝鴨惠泉包酒從中侵漁不止加倍
余初抵臺時正值農忙兼值溪漲往來僕僕必致廢
時失業檄行鳳諸二縣禁止派勒赴府呈送禮物通
事輩無可生發亦不慙懣其來也

番界

內山生番野性難馴焚廬殺人視為故常其實啟釁
多由漢人如業主管事輩利在開墾不論生番熟番

越界侵佔不奪不饜復勾引夥黨入山搭寮見番弋
取鹿麂往往竊為已有以故多遭殺戮又或小民深
入內山抽藤鋸板為其所害者亦有之康熙六十一
年官斯土者議凡逼近生番處所相去數十里或十
餘里豎石以限之越入者有禁鳳山八社皆通傀儡
生番放線社外之大武力枋寮口埔薑林六根茄
藤社外之糞箕湖東岸莊力力社外之崙仔頂四塊
厝加泉社口下淡水社外之舊檳榔林莊新東勢莊

上淡水社外之新檳榔林莊袖仔林阿猴社外之揭陽崙柯柯林搭樓社外之大武崙內卓佳莊武洛社外之大澤機溪口俱立石為界自加六堂以上至瑯

嶠亦為嚴禁諸羅羅漢門之九荆林淡水溪墘

墘或勘字

誤之大武壠之南仔仙溪墘茄荖社山後哆囉囑之九重溪老古崎土地公崎下加冬之大溪頭諸羅山之

埔姜林白望埔大武壠埔廬麻產內埔打貓之牛屎坑口葉仔坑口中坑仔口梅仔坑山他里霧之麻園

山脚庵古坑口斗六門之小尖山脚外相觸溪口東
螺之牛相觸山大里善山大武郡之山前及內莊山
半線之投揀溪墘貓霧揀之張鎮莊崩山之南曰山
脚吞霄後墘貓裏各山下及合歡路頭竹塹之斗罩
山脚淡水之大山頂山前并石頭溪峯仔嶼社口亦
俱立石為界由雞籠沿山後山朝社蛤仔難直加宣
卑南覓民人耕種樵採所不及往來者鮮矣

吞霄淡水之亂

康熙己巳二月吞霄通事黃申征派無虛日社番苦
之會番捕鹿申約先納錢米而後許出土官卓个卓
霧亞生等大譟殺申及其夥十餘人參將常泰進勦
以新港蕭壠麻豆目加溜灣四社番為前部死傷甚
衆復遣岸裏番繞出吞霄山後夾擊設伏殺之五月
淡水土官冰冷率衆射殺主賧金賢及與賢善者盡
殺之與个霧等通水師把總失其名誘而執之

吞霄去半線百里夾倒旗太平二山之間路通內山

有險可恃昔年防汛止於牛罵隔吞霄六十餘里故
卓个卓霧等敢於為亂

冰冷為官兵圍急全社竄伏山上削竹為籤以溺浸
之火炙數次堅黑如鐵遍插於山人不能前後為把
總誘執駢斬其首屍遊各社有請乞免游者謂番頭
過社則一社皆瘟後將冰冷梟示淡水海岸諸番遠
望迂道而行并不敢履其境

馭番

生番殺人臺中常事此輩雖有人形全無人理穿林飛
箐如鳥獸猿猴撫之不能勦之不忍則亦末如之何矣
惟有於出沒要隘必經之途游巡設伏大張礮火虛示
軍威使彼畏懼而不敢出耳然此皆由於地廣人稀不
闢不聚之故不盡由侵擾而然蓋生番所行之處必林
木叢茂荆榛蕪穢可以藏身遇田園平埔則縮首而返
不敢過其殺人割截首級烹剝去皮肉飾髑髏以金誇
耀其衆衆遂推為雄長野性固然設法防閑或可稍為

歛戢究未有長策也然則將何以治之曰以殺止殺以
番和番征之使畏撫之使順關其土而聚我民焉害將
自息久之生番化熟又久之為戶口貢賦之區矣

東征集

臺灣歸化土番散處村落或數十家為一社或百十家
為一社社各有通事聽其指使所居環植笏竹社立一
公所名曰公廨有事則集耕歛僅給家食不留餘蓄日
事佃獵取麋鹿麀鹿為生其俗男女同川而浴未婚娶
者夜宿公廨男女答歌相慕悅而後為夫婦拔去前齒

齒皆染黑傳所謂黑齒雕題者乎性好勇尚力所習強
弩鐵鏢短刀別無長刃利戟藤牌鳥鎗之具或與鄰社
相惡稱兵率衆羣然鬪然未嘗有步伐止齊之規鬪
罷散去或依密林或伏莽草伺奇零者擒而殺之所得
頭顱攜歸社內受衆稱賀漆其頭懸掛室內以數多者
稱為雄長要其戰爭長於埋伏掩襲之謀利於巉巖草
樹之區便於風雨冥晦之候若驅之於平坂曠野之地
則其技立窮且可以制其死命者有二其地依山並不

產鹽斷絕其鹽彼將搖尾求食矣一也春夏之際其地
雨多而露濃故一望蓊蓊至隆冬之日則一炬可盡彼
將鳥獸散矣二也夫生之殺之其權在於我土番豈能
為吾患乎若利其有而資之以鹽任社商剝剋而不之
禁令鑿齒之倫鋌而走險乃復不察地勢審利害苟且
動衆而曰土番能戰也豈不謬哉大凡土番雖稱殊悍
而頗近信倘招之以義撫之以恩明賞罰善駕馭以導
之吾見耕者獵者安於社故事赴公者服於途其風猶

可近古也

理臺米議

社番不通漢語納餉辦差皆通事為之承理而奸棍以番為可欺視其所有不異已物藉事開銷朘削無厭呼男婦孩稚供役直如奴隸甚至畧賣或納番女為妻妾以至番民老而無妻各社戶口日就衰微尤可異者縣官到任有更換通事名色繳費或百兩或數十兩不等設一年數易其官通事亦數易其人此種費用名為通事所出其實仍在社中償補當官既

經繳費到社任意攫奪豈復能鈐管約束因與道府
約嗣後各社通事俱令於各該縣居住社中有應辦
理事件飭令前往給以限期不許久頓番社以滋擾
累盜買盜娶者除斷令離異仍依律治之至通事一
役如不法多事即當責革若謹愿無過便可令其常
充不得藉新官更換混行派費違者計贓議罪

肄業番童拱立背誦句讀鏗鏘頓革侏離舊習陳觀
察大輦有司教之責語以有能讀四子書習一經者

復其身給樂舞衣巾以風厲之癸卯夏高太守鐸申
送各社讀書番童余勞以酒食各給四書一冊時憲
書一帙不惟令奉正朔亦使知有寒暑春秋番不記
年或可漸易也

附
題詠

裸人叢笑篇

十四首

孫元衡

主威懾海若崩角革頑凶昔從倭鬼役今為

工者農酋長加以寇族類裸其躬震驚鞭撻威嬉戲刀劍鋒

臺郎出守羅星宿云是大唐王與公五十二區山百重
南極蜈蚣北鷄籠渾沌不鑿天年終

衛鬟縵靡草鬣髮如植竿獨竦兕廡立兩岐獬角端不
簪亦不弁雜卉翼以翰謂當祝髮從甌駱爾胡不髡能
自完

鑿困貫竹皮括輪象日月兮衛其身圓景雙擔色若銀
我聞無腸之東鼎耳國趨走捧持猶捧珍又云一耳為
衾一為茵非其苗裔強相效嗚呼坎德胡不辰

齒耳夫何以皓為又奚取於漬汁而漆頤厲骨辟穢芳
其脂墨氏母寧悲染絲

倒懸覆臍如絜羴羊織竹為策約肚束腸行弄登躍食
少力强蜂壺猿臂逐鹿踰岡將刀斷之挽手上堂為語
楚宮休餓死盍習此術媚其王

短布無長縫尚玄戒施綺桶褰本陋制不異蠻犵狁
蠻鑿齒喪其親爾蠻鑿齒媾其姻雜俗殊風仁不仁

管承鼻息颺簫音筠亞齒隙調琴心女兒別居椰子林

雄鳴雌和終凡禽不顧耶孃回面哭生男贅婦老而獨
但知生女耀門楣高者為山下者谷貓女膩新相鬪妍
醉歌跳舞驚鴻翩酋長朝來易版籍東家麻達西家仙
接飛軼走縱行橫施繡肌雕腋勇者是儀龜文蟬翼蒙
表貫肢背展鵬鶚胸獐豹螭跳脫臂釵環珞項披蠶然
身首犁颯之尸

海山宜鹿依於樸檉麋麋呦呦羣行野伏諸番即之長
鉅勁箴毒獮橫噬倍於殺戮憑藉商手賦公局獲車既

傾壑有慾彊犇狃食何苦辛直朶頤於刖蹄而剖腹
爾之生也懸刀代弧爾之壯也畜犬為徒柔荃以卧肉
以舖縱橫猛氣凌殷虞奮狔炆犂不可呼爭先奚翅當
百夫功多齒鈍棄匪辜日暮纍纍嗥路隅

虎山可深入傀儡難暫逢不競人肉競人首殲首委肉
於貳豸驚禽飛駭獸走腰下血模糊諸番起相壽崩泉
下澗三尺波女兒沒水如羣鵝中官投藥山之阿至今
仙氣留雲窩生男洗滌意非它無孽無靡無沈疴他日

縱浪有勲業為鯨為鯉為蛟鼉

鼉鼓轟林人野哭舉尸炊炙睇以燠
蠅蚋不敢侵螻蟻漫相逐埋骨無期雨
頽屋安置鬼牛與鬼鹿鬼殘日夜傷
幽獨

金人竄伏來海濱五世十世為天民
花開省識唐虞春阡陌雜作如無人
披草戴笠鉗口合脣道路以目爰契
天真華人侮之默不嗔秣粒如豆莢
如薪

羣嚼玉英粲醺醪為氤氲屏五齊三
事而狄康不聞準

人準口量餘粟一榼一瓢萬事足
蚩蚩者無懷古民白刃酣交醒
敵觥

秋日雜詩

三首

孫元衡

諸番多窟宅深就瘴雲安竹塢疑熊館茅房結馬鞍山
荒朝獵豹田熟夜防獾此是羲皇上文身似羽翰
信此飄零眼浮觀別異同四時無正候百物有奇功
版籍翻稽婦蠻邨渾賤翁糟醅聊可啜應笑學邯鄲

眼底天民在熙熙共往來忘年驚髮變改歲待花開即

鹿羣看箭安家密咒灰唱歌爭款客喚取女郎回

土番竹枝詞 二十四首

郁永河

生來曾不識衣衫裸體年年耐歲寒
犢鼻也知難免俗
烏青三尺是圍欄
文身舊俗是雕青
背上盤旋鳥翼
形一變又為文
豹韞蛇神牛鬼共猙獰
胸背爛斑直
到腰爭誇錯錦勝
鮫綃冰肌玉腕都文遍
只有雙蛾不解描
番兒大耳是奇觀
少小都將兩耳鑽
截竹塞輪
輪漸大如錢如椀
復如盤
丫髻三叉似幼童
髮根偏

愛繫紅絨出門又插文禽尾陌上飄颻各鬪風 覆額
齊眉繞亂莎不分男女似頭陀晚來女伴臨溪浴一隊
鷓鴣漾綠波 鑢貝雕螺各畫攻陸離斑駁碧兼紅番
兒項下重重遶客至疑過繡嶺宮 銅箍鐵鐐儼刑人

鬪怪爭奇事事新多少丹青摹變相畫圖那得似生成
老翁似女女如男男女無分總一般口角有髭皆拔
盡鬚眉都作婦人顏 腰下人人挿短刀朝朝摩厲可
吹毛殺人屠狗般般用纔罷樵薪又索綯 耕田鑿井

自艱辛緩急何曾叩比鄰構屋斲輪還結網百工俱備
一人身輕身趨捷似猿猱編竹為籥束細腰等得吹
簫尋鳳侶從今割斷伴妖嬈男兒待字早離孃有子
成童任遠颺不重生男重生女家園原不與兒郎女
兒纔到破瓜時阿母忙為構室居吹得鼻簫能合調任
教自擇可人兒只須嬌女得歡心那見堂開孔雀屏
既得歡心纔挽手更加鑿齒締姻盟亂髮鬢鬢不作
縞常將兩手自搔爬飛蓬畢世無膏沐一樣綢繆是室

家誰道番姬巧解釀自將生米嚼成漿竹筒為甕牀
頭挂客至開筒勸客嘗夫攜弓矢婦鋤耰無褐無衣
不解愁番罽一圍聊蔽體雨來還有鹿皮兜竹弓箸
矢赴鹿場射得鹿來交社商家家婦子門前貯飽惟餘
瀝是頭腸莽葛元來是小舠剗將獨木似浮瓢月明
海溼歌如沸知是番兒夜弄潮種秫秋來剪入場舉
家為計一年糧餘皆釀酒呼羣輩共釐平原十日觴
梨園敝服已蒙茸男女無分只尚紅或曳朱襦或半臂

土官氣象已從容
土番舌上掉都盧
對酒歡呼打刺
酥聞說金亡避元
難颶風吹到始謀居
深山負險聚
游魂一種名為傀儡
番博得頭顱當戶列
髑髏多處是
豪門

臺灣近詠上黃巡使二首

藍鼎元

番黎素無知
渾噩近太古
祇為巧偽引
訟爭亦肆侮
睚眦動殺機
其心將莫禦
所幸弗聯屬
社社自愚魯
太上
用夏變衣冠
與居處使彼
忘為番齊民
消黨羽其次俾

卷八
畏威罔敢生非迂無虐無令傲服勞安作苦恩勝即亂
階吮噓鼠為虎所以王道平不為矯枉補 內山有生

番可以漸而熟 王化棄不收獷悍若野鹿穿箐截人首飾

金誇其族自古以為常近者乃更酷我民則何辜晨樵
夕弗復不庭宜有征振威寧百谷土闢聽民趨番馴賦
亦足如何計退避畫疆俾肆毒附界總為戕將避及牀
褥

題同年黃玉圃番社圖

呂謙恒

九重渙汗使臣知萬里蠻荒跣踵時耳目全開天海外土風盡入竹枝詞

題黃侍御番社圖

陸榮桓

日麗中天萬國環八埏風俗版圖間誰言黑齒雕題遠
只在麟洲小水灣清時絕島似仙鄉密箐深林化日
長捉罷野牛還捕鹿閒來飽飯夜舂糧

番社雜詠二十四首

黃叔瓚

絕島中華古未通生來惟鬪此身雄獨餘一面猙獰

外人鳥樓臺刺自工

文身

剡竹為椽扇縛筵空擎樛

上始編茅落成合社欣相賀席地壺漿笑語高

作室

荒地欲鬆園更腴誅茅覆草令秋枯種時禾稭驚風

雨雜植還教薏苡扶

種園

小樓貯粟號禾間剡竹編

茅蓋自間應識名禾知本計可專飲血事搜山

禾間

蠻孃織作亦殊勤圓木中空槽口分尺布可堪持北

去但令知有達戈紋

畫織

霜鐘雲磬韻雙清何處村

莊旋旋鳴北客初來聽不厭那知此是夜春聲

夜春

未負耕犁未服輶誰教馴狎入欄收番兒自慣無鞍

馬大武山頭捉野牛

捉牛

仰沫巨魚纔躍波矢無虛

發巧如何於今苦學漢人法駕筏施眾事轉多

射魚

地闢年來少鹿場焚林設阱兩堪傷擒生剪耳如黃

犢相逐平原互鬪強

捕鹿

盛植檳榔覆四簷濃陰夏

月失曦炎猱升取子飛騰過不用如鈎長柄鎌

猱採

出草秋深盡夏初刳蹄剖腹外無餘當官已報社商

革五穀雞豚一一書

社餉

獸皮時出內山深互市傳

來直至今莫道漢人曾未到熟番有路敢探尋

互市

不為穴處不巢顛布毯牢將兩樹纏此味睡鄉人不

識不須化蝶自翩翩

樹宿

社中各自置樓高貓踏更

番未覺勞擊柝宵嚴鏢箭利儘教鼠竊遠潛逃

哨望

未經牽手尚腰圍習慣身輕走若飛涼夜月明齊展

足羨他貓女願同歸

闕捷

製琴四寸截琅玕薄片青

銅竅可彈一種幽音承齒隙如聞私語到更闌

嘴琴

配他弦索亦相宜小孔橫將按鼻吹引得鳳來交唱

後何殊秦女欲仙時

鼻簫

贅壻為兒婦是家還憐鑿

齒擦蕉花何如高架迎歸去偕老相期禮自嘉

迎婦

生兒出浴向河濱仙氣長留冷逼人三保當年曾到

處南洋諸國盡稱神

浴兒

殊風雖陋尚堪論恤老收

窮古意存長者途逢皆却步朋儕相見亦寒溫

讓路

外沿大海內深溪浮水葫蘆每自攜惟有土官乘筏

過衆擎如蟻兩行齊


渡溪

厯書不識歲時增月幾回

圓稻一登鄰社招邀同報賽竹杯席地俗相仍

會飲

男冠毛羽女盤髮衣極鮮華酒極酣一度齊咻金一
扣不知歌曲但喃喃寶戲紅毛舊習篆成蝸漢熟今
間近社皆謾說飛鴉難可化泮林已見好音懷漢塾



臺海使槎錄卷八